

JEMEN EI  
EO AN  
ARNO ATOLL LOCAL GOVERNMENT

PART I. - EKKAR IN LOAN JEMEN EI IN

SECTION 1. Etan Local Government Eo

Et eo etan Local Government in ej Arno Atoll Local Government.

SECTION 2. Belakin Local Government Eo.

Belakin eddo im maron eo an local government in ekitbuj aolepen Arno Atoll im ekkar non Article IX, Secion 1(2) im (3) in Jemen Ei eo an Marshall Islands, ekoba malo eo im bedbed im malo eo iloan Arno Atoll im meto in bedbed in meto eo ej jebole ailin in jino jen tuene tata in ijo ej ijino territorial sea eo an ailin in metolok non 5 mile imeto, einwot an alikar ilo Sechedule 1.

SECTION 3. Capitol Eo.

Office eo elap an local government in enaj bed ilo Ine Island, Arno Atoll, ak ilo bar juon jikin eo Council eo ej karoke kin resolution.

PART II. - BUKON IN EKELEL KO

SECTION 4. Bukon in Ekelel Ko

Ekkar non Section 19 in Local Government Act 1980 eo, jikin ko an local government in rej ajej ekkar non bukun in ekelel kein, einwot emoj kolajraki ilo Schedule 2, juon iaeer ej kelet woran member in Council eo emoj kalikar ikijen etan:

- (a) Ajeltokrok ward, ej kelet 4 members; im
- (b) Rearlaplap ward, ej kelet 4 members; im
- (c) Jabonwor ward, ej kelet 4 members; im
- (d) Kebjeltak ward, ej kelet 4 members.

PART III. - RAAN KOMAN KIEN EO

SECTION 5. Ejaak in Raan Koman Kien eo

Juon raan koman kien, eo na etan Arno Atoll Council, ej kio ejaak non local government in im ekkar non Section 13(1) in Local Government Act 1980 eo, maron eo an local government non koman kien, ewoj im kojemoj money im ej itok iumwin Article IX, Section 2 in Jemen Ei eo an Marshall Islands, ej kio ilok none.

SECTION 6. Member ro im Ekelel ko

- (1) Council eo enaj ejaak kin 21 members, ro im rej: -

- (a) 16 member kelet in bukun in eklel ko, einwot an alikar ilo Section 4; im
- (b) Nitijela representative ro ruo rej jijot einwot ex-officio members; im
- (c) Juon member eo ej jijot ilo etan Iroi j laplap ijiton in Iroi j eo ewor an maron ko an Iroi j Laplap ilo Arno Atoll; im
- (d) Juon member jen bed eo juon ilo Arno; eo im enaj jijot ilo etaer elane renaj buru kuk iben dron im kelete.
- (e) Mayor eo einwot emoj karoke ilo Section 16, einwot juon ex-officio member.

(2) Member ro jen bukun in ekelel ko ba kake er ilo Subsection (1)(a) dri vote ro renaj kelet er kin ballot einwot emoj karoke ilo Section 13 im 23 in Local Government Act 1980 eo.

(3) Member eo ba kake ilo Subsection (1)(d) armij ro ilo bed eo juon ilo Arno Atoll renaj kelete kin buru-kuk eo aer.

(4) Ekelel eo maktata non kelet member ro ba kake er ilo Subsection (1)(a) im (d) enaj koman ilo raan eo emokaj tata im ekkar elikin raan eo ej jejet kitien Jemen Ei in, im tok elik ilo ien an jemlok term in jermal ko aer ekkar non Section 8.

**SECTION 7. Qualification Ko**

(1) Qualification ko ikijen ekelel non member ro walok ilo Section 6(1)(A) rej bwe:

(a) en 21 an yio ak dritto lok; im

(b) en juon dri jokwe ilo Arno atoll iet tata juon yio; im

(c) en moj an register bwe en dri vote in Arno Atoll

(2) Qualification ko ikijen ekelel non Member eo ba kake ilo Section 6(1)(d) rej erro emoj kolajraki iumwin Subsection 1 im bwe en wor an maron loon bwidej ilo weto ko an bed eo juon ilo Arno Atoll.

**SECTION 8. Term in jermal**

(1) Term in jermal an juon iaan member ro ilo Section 6(1)(a) ej emen yio, ijoke elikin ekelel eo ej koman moktata elikin an wor kitien Jemen Ei in, member ro ruo jen kajojo bukon in ekelel im elon tata aer vote renaj jermal iumwin juon ien eo ruo yio aitokan. Elane enaj woran vote ko wot juon, naj bukot win eo kin kibwen kijdrik.

(2) Term in jermal eo an member eo walok ilo Section 6(1)(C) enaj emen yio im enaj ijino ilo ien eo emoj jitone im jemlok ilo ejja ien en wot ej jemlok term eo an member eo walok ilo Section 6(1)(d).

(3) Term eo an Member eo wafok tto section 6.1.1. e...  
vto im ej ijino ilo ein en emoji kelet e im jemlok tto raan eo  
moeta jen raan en emoji karoke bwe en komau kwelok eo raan im  
kwelok ko ruo ikijen kelet kobban jea eo an.

SECTION 9. Jea ko Ejelok Kobbaer

(1) Jea eo an juon iaan ro uwaan Council embe jemlok kobbaer  
vto un kein:

- (a) Term in jebal eo an ej jemlok ekkar non Section  
8; ak
- (b) Emoji an jako jen e qualification ko per wiktun tto  
bed iben ekkar non Section 2.1.1. e raan eo pa  
kelete ak jironer ak
- (c) Emii; ak
- (d) Ej kamoj e make tto jemlok non local government  
ak
- (e) Emoji komakit e jen jea eo an ekkar joo subject to

(2)

(2) Council eo emaron, kin vote ko an 3/4 in wafok ro tto  
Council, komakit juon member jen office kin to ko kekaw.

SECTION 10. Jea ko Ej Ejelok Kobbaer jin un ko jet

Eiane jea eo an juon iaan eo uwaan Council wafok tto section

6(1)(a) ak (d) ej ejelok kobban kin un ko jet ijelokin an jemlok term in jermal eo an ekkar non Section 89, naj bar kanne jea eo ejelok kobban ilo ien eo emokaj tata kin juon Special Election ilo bukun in ekelel eo member eo ej itok jene.

SECTION 11. Kwelok ko.

(1) Kwelok ko an Council eo renaj koman ieet tata juon alen ilo juon allon ilo raan ko im ien ko, kin resolution, council eo ej karoki, ak elane jaab, Mayor eo ej karoke kin kojela ekkar non Rules of Procedure ko an Council eo.

(2) Elikin wot an alikar tokjen ekelel eo muktata an Council, Chief Electoral Officer eo enaj kir non juon kwelok an Council ilo kojela non aolep ro uwaan Council eo.

(3) Jabrewot ien Mayor eo emaron, elikin wot an tobrak lok iben juon petition eo ej kwalok naj men in bebe ko jen ro relon uwaan council eo, kir non juon kwelok an council, kin kojela ekkar non Rules of Procedure ko an Council eo im kwalok naj men in bebe ko.

(4) Men in jermal ko wot emoj kolajraki ilo kojela eo ej kir juon special meeting naj jembali ilo special meeting eo.

(5) Kwelok ko an Council renaj bellok non jabrewot armij,

(6) Quorum eo non juon kwelok an Council ej majority in aolep ro uwaan council eo.

(7) Mayor eo enaj tel aolep kwelok ko an council eo elane ebed im, ilo ien an jako ak ilo ien an ejelok kobban office eo an juon member in council kelet in ro uwaan council rebed, enaj tel kwelok eo.

(8) Ijelokin wot wewin ko jet karoki ilo Local Government Act 1980 eo, aolep men in bebe ko rej walok ilo juon kwelok an council naj koweppeni ekkar non vote ko relon an member ro rej bed im vote, ak ejelok bebe enaj weppen elane woran vote ko wot juon.

#### SECTION 12. Wewin Kwelok

(1) Council eo enaj kejbarok im je juon journal in kobban kwelok ko an.

(2) Council eo enaj ejaak an rule in kwelok, ko rejab idabtok iben Jemen Ei in, jabrewot kien an Central Government eo ak jabrewot Ordinance an local government in, non karok wewin an council koman im lolorjake ke jermal an local government in, non karok wewin an council komani im lolorjake jermal im kwelok ko an.

(3) Ilo lor wot Jemen Ei in, kakien ko an Central Government eo ak ordinance an local government in, council eo

enaj make karok wewin an jermal.

SECTION 13. Committee Ko

Council eo emaron ejaak Standing Committee ko jet bwe ren jerbali jermal ko ej kile ke rekkar bwe committee en jerbali.

PART IV. - JEBAN EO AN LOCAL GOVERNMENT

SECTION 14. Office eo An Jeban Eo An Local Government Eo

Juon office an Jeban eo an local government in, eo etan ej Mayor, ej kio ejaak non local government in.

SECTION 15. Qualification ko An Mayor

Qualification ko an Mayor rej erkein:

- (1) En 25 an yio ak dritto lok; im
- (2) En wor an maron ioon bwidej ilo Arno Atoll; im
- (3) En juon register voter in Arno Atoll; im
- (4) en juon eo emoj an kar jokwe ilo Arno Atoll juon yio mokta lok jen ien en rej kelete.

SECTION 16. Kelet Mayor eo

(1) Dri vote ro an Arno Atoll renaj kelet Mayor eo kin ballot einwot an alikar ilo Section 13 im 23 in Local Government Act 1980 eo.

(2) Ekelel eo muktata non kelet Mayor enaj koman ilo ien eo ekelel eo muktata non kelet council member ro rej koman einwot



emoj karoke ilo Section 6(4) im ekelel ko tok elik renaj koman ilo juon ien eo ebaak tata non ien an un emen yio jen ien eo ear koman ekelel eo mokta lok non Mayor im council member.

(3) Term in jermal eo an Mayor eo ej emen yio im enaj ijino ilo ien eo emoj kelete im jemlok ilo ien eo emoj kir juon ekelel non kelet juon Mayor.

**SECTION 17. Jolok Kobban Office**

(1) Office eo an Mayor enaj ejelok kobban elane:

(a) Term in jermal eo an emoj an bojrak ekkar non Section 16(3); ak

(b) Emoj an jako jen qualification ko rej aikuj kar bed iben ekkar non Section 15; ak

(c) Emij; ak

(d) Ej kamoj e make ilo jeje non local government eo; ak

(e) Council ej kamoje kin vote ko an 2/3 in aolep member ro uwaan council.

(2) Elane office eo an Mayor enaj ejelok kobban kin un ko jet ijelokin an jemlok term in jermal eo an ekkar non Section 16(3), naj bar kanne jea eo ilo ien eo emokaj kin juon special election.

SECTION 18. Dri Binej Jenkwan Jeban eo An Local Government Eo.

(1) Ilo ien an jako ak utamwe Mayor eo enaj jiton juon iaan ro uwaan Executive Committee eo bwe en bok eddo in jermal ko an, ak elane ejab jiton juon, executive committee eo enaj jiton juon.

(2) Juon member in executive committee eo emoj jitone ekkar non Subsection (1) bwe en bok eddo im lolorjake jermal ko an Mayor, enaj belik et in Mayor, im jabrewot melele ko ilo jabrewot kien ak Rule of Procedure ko an council rej iokwelok Mayor naj kile ke rejelet member in ekkar non wewin in.

SECTION 19. Jermal ko An Jeban eo An Local Government Eo

Aolep maron ko, jermal ko im eddo ko jebar jen Jemen Ei in, ordinance an local government in, kien an Central Government eo im Rules of Procedure ko an council, rej kio ilok non Mayor eo.

PART V. - RAAN LOLORJAKE KIEN EO

SECTION 20. Ejaak in Ra eo Ej Lolorjake Kien

(1) Juon executive committee an local government in, eo etan Executive Committee eo an Arno Atoll Council, ej kio ejaak im ekkar non Section 14(1) in Local Government Act 1980 eo, ej ra eo eutie j tata non lolorjake kien ilo local government eo.

(2) Executive Committee eo ilo koba in aolepen ej bok eddo non Council eo ikijen lolorjake kien ilo jikin ko an local government eo, im lolorjake jermal ko an executive committee eo im member in executive committee eo iumwin Jemen Ei in, jabrewot ordinance an local government in ak kien an Central Government eo.

SECTION 21. Ejaak in Executive Committee Eo

(1) Executive Committee eo enaj ejaak kin:

(a) Mayor eo; im

(b) Jilu member in Council eo ijiton in Mayor eo ilo jeje, im naj etaer Executive Members.

(2) Quorum eo non kwelok an Executive Committee eo ej ruo.

SECTION 22. Jolok Kobban Office

(1) Office eo an Mayor enaj ejelok kobban ekkar non Section 17.

(2) Office eo an juon Executive Member enaj ejelok kobban elane:

(a) Jea eo an ilo Council ej ejelok kobban kin kitien Section 9; ak

(b) Office eo an Mayor eo ej ejelok kobban kin kitien Section 17; ak



(c) Enoj kamoje e jen jermal iumwin Subsection (3); ak

(d) Ej kamoj e make ilo jeje non Mayor eo.

(3) Mayor eo emaron, kin wor ak ejelok un, kamoj juon Executive Member jen office.

(4) Elane office eo an Mayor eo enaj ejelok kobban kin un ko jet ijelokin an moj kamoje ekkar non Section 17(2), Executive Member ro renaj wonmanlok wot im komani jermal ko aer (ekoba jermal in ijiton eo iumwin Section 18 non jiton juon iaan ro. uwaan executive committee eo non lolorjake jermal ko an Mayor eo).

(5) Elane enaj ejelok kobban office eo an juon Executive Member kin wot an jemlok term in jermal eo an einwot juon council member ekkar non Section 8, emaron wonmanlok wot im komani jermal ko an executive member mae ien emoj kelet Mayor eo ekaal, ak elane ejab bar erom juon member in council eo, ejab maron vote ak bok kwonan ilo kwelok ko an Council.

#### SECTION 23. Dri Binej Jenkwan

Ilo ien an jako ak utamwe juon executive member, Mayor eo maron:

(a) Jiton bar juon executive member bwe en lolorjake jet iaer ak aolep jermal ko an; ak

- (b) Jiton juon member in council eo bwe en jermal einwot juon executive member im binej jenkwon ak men kein jimor, ilo ien an jako ak utamwe.

**SECTION 24. Ajeji Jermal im Eddo ko non Executive Member ro**

(1) Ekkar non kien ko rej jebar jen Jemen Ei in, jabrewot ordinance an local government eo im jabrewot kien an Central Government eo, Mayor eo emaron jen ien non ien, kabeik juon executive member bwe en bok eddo in lolorjake jet iaan jermal ko an executive committee eo (ekoba eddo eo ikijen lolorjake kitien ordinance ko an local government eo).

(2) Mayor eo enaj bok eddo in jabrewot jermal ko ejanin kar ajej ekkar non Subsection (1).

(3) Ejelok jabrewot men ilo Section in enaj jelet eddo ko an Executive Committee eo iumwin Section 20(2).

**SECTION 25. Jermal Ko An Executive Committee eo**

Executive Committee eo ej kabwijeer maron, eddo im jermal ko emoj lelok non e iumwin Jemen Ei in, juon ordinance an local government eo, ak juon kakien an central government eo.

**SECTION 26. Kabilek non Council eo ikijen wewin ko Jet**

(1) Ilo ien eo emokaj tata Mayor eo ej aikuj konanek council eo im Minister eo an Kien eo an Marshall Islands ikijen

Local Government kin: -

- (a) Ijiton, jolok jen jea ak kamoje an juon uwaan executive committee eo; ak
- (b) Ijiton eo an, ak jemlok in ijiton eo an juon member in council eo non an jerbak einwot juon executive member iumwin Section 23(b); ak
- (c) Ijiton eo an non juon executive member non bok jikin im lolorjake jerbak ko an Mayor iumwin Section 18(1); ak
- (d) Ajej eo iumwin Section 24(1) ikijen eddo ko non juon executive member im ijiton eo iumwin Section 23(a) an juon executive member non komani jerbak ko an bar juon executive member.

(2) Ilo ien eo emokaj tata executive committee eo enaj kojelaik council eo im Minister eo an Kien eo an Marshall Islands ikijen local government kin ijitoneo an juon member in executive committee eo bwe en komani jerbak ko an Mayor iumwin Section 18(1).

(3) Ilo ien eo emokaj Clerk eo an local government eo enaj kojelaik Council eo im Minister eo an Kien eo an Marshall Islands ikijen local government elane Mayor eo enaj kamoje make ekkar non

Section 16(1)(c), ak elane enaj moj kamoj Mayor eo jen jermal  
ekkar non Section 17(2).

## PART VI. - FINANCE

### SECTION 27. Kejbarok Money ko Rej Drelontok Im Druwojlok

(1) Ejelok eowoj naj koman im ebar ejelok money in eowoj  
naj toltol, im ejelok money an local government eo naj kojerbale,  
elane ejab melim kin kakien.

(2) Subsection (1) ej jab jermal non grant ko (ijelokin  
loan ko) jen kien eo an Marshall Islands, ak bar non kojerbale  
money ko jen grant kein non un ko, im bed iumwin karok ko im rej  
jermal kaki.

(3) Aolep money ko bok non local government in naj,  
ijelokin wot ne komelimi kin ordinance an local government eo ak  
iumwin juon Local Government Act eo an 1980, kollaik lok non juon  
fund ak account ejaak ekkar non juon ordinance ak financial  
memoranda eo.

### SECTION 28. Eddo ko An Executive Committee eo Ikijen Money

(1) Ej eddo eo an Executive Committee eo non jake manlok  
bebe ko non council eo ikijen jabrewot jermal ko rejelet budget,  
im jermal eo elap tata an exeuctive committee eo enaj koman  
recommendation ko non council eo non koman eowoj in jermal in



money ko jet, im non wewin kojerbal money non local government in.

(2) Executive Committee eo ej uwaak non council eo ikijen aolep jermal im money an local government eo im non komeleleik aolep jemlok in money kein ekkar non Jemen Ei in, juon ordinance an local government eo ak juon kien an central government eo

(3) Ijelokin wot ne kabilok ak kin erra eo an Executive Committee eo, kamole jen ak ilo etan Mayor eo, council eo ej-jab maorn komelim jabrewot ordinance ak jabrewot jermal ko jet jakemantak jen ro jet uwaan council eo ijelokin wot Mayor eo ak juon uwaan executive committee eo elane ordinance eo enaj, ilo lomnak eo an eo uwaan council ej tel kwelok eo -

(a) Kojerbal ak muri ikijen money ko an local government eo; ak

(b) Kojabikibik ak ukote (ijelokin wot ne ikijen kadridrik lok) jermal in money ak muri; ak

(c) Kojerbal, ukote ak jolok jabrewot eowoj, rate, muri, wonen ak fine.

#### SECTION 29. Budget im Kojemoi

(1) Executive Committee eo enaj lolorjake bwe en jedremantak imaan Council eo ilo aolep financial yio. -

- (a) Juon lajtrak<sup>in</sup> budget estimates ikijen money im wewin<sup>koj</sup>erjali; im
- (b) Juon ordinance in kojemoj non lajtrak wewin an naj jermal money ko an council eo, im maron in bar koman<sup>ko</sup> kakobaba ko im ordinance ko rejelet money in kakobaba.

(2) Ilo lor jabrewot Local Government Administrative Memoranda koman iumwin Section 41(1)(a) ilo Local Government-Act eo an 1980 ikijen weiw<sup>n</sup> koman ordinance ko im non jabrewot Local Government Financial Memoranda koman iumwin Section 41(2) ilo ejja kien in wot, ordinance in kojemoj ko im ordinance in kakobaba ko ikijen money renaj lor wewin Bill ko ikijen kojemoj im kakobaba ikijen kojemoj an kien eo iolap iumwin Article VIII, Section 6 im 8 ilo Jemen Ei eo an Marshall Islands.

(3) Ilo lor wot jabrewot Local Government Financial Memoranda koman iumwin Section 4(2) ilo Local Government Act eo an 1980, juon ordinance an local government eo emaron koman loan ko, ilo lor bebed ko il Article VIII, Section 7 im 9 ilo Jemen Ei eo an Marshalls, non jermal in money ko rej itok wot ekoba re-programming im juon contingencies fund ak enaj jermal non jermal ko jet.

(4) Ejelok jabrewot ilo Section in enaj kabojrak kojemoj ko im rej lukkun kwalok un eo bwe en mottan ordinance ko an local government eo in oktak jen ordinance in kojemoj eo im im ordinance in kakobaba eo.

(5) Kojemoj ko naj jako kitier ilo jemlok in aolep financial yio eo im ejelete, ijelokin wot ne ilo wot title eo an ordinance in kojemoj in enaj bar kin juon ordinance in kalikar bwe in kojemoj eo.

SECTION 30. Loan Ko

Local Government in ejamin ebbok loan ko, kotlok muri ikijen revenue ko an tokelik, ak koman jabrewot kain muri ko enaj jelet money ko an tokelik elane ejab lor Section 50 ilo Local Government Act eo an 1980.

SECTION 31. Account Ko

(1) Executive Committee eo enaj lolorjake bwe en wor account ko ebolemaer im jejet im record in revenue ko im expenditure ko an local government eo im men ko mweien local government eo.

(2) Account im record kein renaj lor -

(a) Jabrewot Local Government Financial Memoranda ejaak iumwin Section 41(2) ilo Local Government Act eo an 1980; im

(b) Ekkar non memoranda kein, jabrewot kabilek jen Auditor General eo; im

(c) Ekkar non memoranda kein, jabrewot ordinance an local government eo.

(3) Executive Committee eo enaj ilo ien eo jejet im mokaj tata ilo jemlok in juon financial yio, dror imaan council eo account ko ikijen jabrewot money im wewin aer kar jermal non local government eo ilo yio eo, koba iben jabrewot report ko ikijen bwinbwin account ko iumwin Section 32.

SECTION 32. Audit (Bwinbwin)

(1) Ilo koba lok iben bwinbwin eo walok iumwin Section 35 ilo local Government Act eo an 1980, Auditor General eo ak juon eo emoj an komelimi enaj ilo jabrewot ien bwine account im record ko an local government eo, im jaberwot account ko naj drori ak lomnak in drori imaan council eo iumwin Section 31(3).

(2) Auditor General eo ak juon eo ej komelimi enaj report lok non council eo im Minister eo an Kien eo an Marshall Islands ej bok eddo in Local Government ko kin bwinbwin eo im enaj, ilo report eo an kwaloki aolep tibdrikdrik in likjab ko iloan account im record kin, ak ilo account ko ekkar non ijo ejelete.

(3) Non komani jermal ko an bwinbwin iumwin Subsection (1), Auditor General eo ak juon eo ej jitone ewor an maron im

jimwe walok ilo Article VIII, Section 15 in Jemen Ei eo an Marshall Islands:

SECTION 33. Financial Memoranda Ko

Ekkar non Jemen Ei in, jabrewot armij eo ej bok kwonan ilo lolorjake makitkit in money ilo local government in renaj lor aolep Local Government Financial Memoranda ko walok iumwin Section 41(2) ilo local Government Act eo an 1980.

PART VII.- STAFF (DRI JERBAL AN LOCAL GOVERNMENT EO)

SECTION 34. Dri Jerbal Ro an Local Government Eo

(1) Mayor eo, ilo etan local government eo, emaron jiton juon Clerk non local government eo, im bar officer im dri jermal ro jet einwot an watoke ke men in aikuj non komanman jermal ko an local government eo.

(2) Local Government eo ej e eo ej kojermal Clerk in im officer im dri jermal ro jet an Kien eo.

(3) Term im wewin ijiton im jermal an Clerk eo im officer ro im dri jermal ro jet naj koman kin ak iumwin maron an ordinance an local government eo, im elane enaj ejelok ordinance, naj oktak ko rekkar, lori wewin an ro ilo public service eo im rej bok jermal ko, non jabrewot unin jermal ilo jabrewot kien an Central

Government eo non -

- (a) Chief Secretary eo ak juon department head non ikijen Clerk eo; im
- (b) Public Service Commission naj ikijen executive committee.

SECTION 35. Seconded, Etc., public servants

Ekkar non jabrewot karok ko iumwin Section 16(3) ilo Local Government Act eo an 1980, im non jabrewot un ko reaktak jen jabrewot ordinance an local government eo, juon member in Public Service eo im naj kojobale ilo local government ekkar non Section in, ak lelok jiban ko an non local government in ekkar non Section eo, naj kotmene bwe ej juon officer an local government in non un ko an jabrewot ordinance an local government eo ijelokin wot, juon ordinance eo ej kalikar term im wewin ebbok dri jermal ilo local government in.

PART VIII. - OKTAK KO NON JEMEN EIN IN

SECTION 36. Wewin Koman Oktak Non Jemen Ei In

(1) Jemen Ei in emaron oktak kin juon ordinance an local government eo, eo emoj an elle iben Council ro ruo alen kin 2/3 in vote ko an aolep ro uwaan council eo, ijowotke, elle ko ruo an

ordinance eo ej aikuj wor 30 ran ikotaer, ak juon ien eo ekadru lok Minister eo an Government eo an Marshall Islands ikijen local government ej komelimi, kin un ko rekkar ikijen kajojo wewin kein.

(2) Elane Minister eo an kien eo an Marshall Islands ikijen local government ej kabilek lok non local government eo kin jet oktak non Jemen Ei in, council eo enaj lomnak kaki, ak ejab aikuj buki, ilo an wor ak ejelok kakobaba non i.

#### PART IX. - JERBAL KO JABREWOT

##### SECTION 37. Kabilek ko Jen central Government Ikijen Ordinance

Elane Minister eo an kien eo an Marshall Islands ikijen local government ej rejan non council eo bwe juon ordinance en koman, ukok ak ukote loan, Mayor eo enaj lolorjake bwe kobban kabilek eo en jede imaan council eo koba non in kabilek ko jen Executive Committee eo.

##### SECTION 38. Jimwe Im Ekkar Non Ordinance Ko

(1) Mayor eo emaron, im enaj elane council eo enaj karoke, kajitok lok iben Minister eo an Kien eo an Marshall Islands ikijen local government, kin juon report jen Attorney General eo kin jimwe im ekkar an juon ordinance ak jabrewot elmakot in

ordinance an local government eo, ak kin jabrewot jermal ak  
elmakot in jermal an local government eo.

SECTION 39. Ejelok Kobban Jea Ko

Jemlok ko emoj aer dedelok jen council eo, Executive  
Committee eo, im ilo lor wot jabrewot ordinance an local  
government eo im rules of procedure ko an council eo, im  
committee ko an council, rejamin oktak kitier ilo an wor jea en  
ejelok kobban, elane woran member eo non kaun juon quorum non  
kwelok ej bed wot.

SECTION 40. Jermal

Elane ewor jabrewot kain jermal ak unin jermal lellok non.  
jakemanlok ak karon local government eo ilo juon ien eo -

- (a) Ejelok kobban jea eo an Mayor eo ak elane ejako ak  
eutamwe Mayor eo; i
- (b) Ejelok armij jiton e iumwin Section 18, enaj bwe  
elane naj jilkinlok im address e clerk eo an local  
government eo.

SECTION 41. Jejet Kitien

Jemen Ei in enaj jejet kitien ilo ien eo Minister eo an Kien  
eo an Marshall Islands ikijen local government enaj karoke.





1